



PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Sorumutuk Estraordinária Konsellu Ministrus nian iha loron 27 fulan-setembru tinan 2019

Konsellu Ministrus hala'o sorumutuk iha Palásiu Governu, iha Dili no aprova ona Dekretu Governu, ne'ebé apresenta husi Ministru Petróleu no Minerais iha ezersísio, Agio Pereira no husi Autoridade Nasionál Petróleu no Minerias Timor-Leste nian (ANPM), ne'ebé regulamenta prosedimentu kona-ba afetasaun área sira iha territóriu Timor-Leste nian ba atividade sira peskiza no produsaun petrolífera nian.

Ho objetivu ba realizasaun atividade sira peskiza no produsaun petrolífera nian, iha biban ida ne'e, kontinua halo mós análise ba Rezolusaun Governu nian kona-ba autorizasaun atu loke konkursu públiku sira ba selebrasaun kontratu petrolíferu, tuir Lei Atividade Petrolífera nian.

Ministru Agrikultura no Peskas iha ezersísio, Fidelis Leite Magalhães, halo prezentsaun ida ba Konsellu Ministrus kona-ba moras ne'ebé provoca fahi atus ba atus mate iha territóriu nasional. Halo ona amostra ba animál sira ne'e no haruka ona ba análise laboratorial iha Austrália ne'ebé konfirma katak animál sira ne'e hetan moras fahi nian husi áfrika (*african swine fever*). Moras ida ne'e da'et lalais tebes husi animál ida ba fali animál seluk, maibé la prodús efeitou ba ema no afeta ona iha nasaun aziátiku barak. Ministru Agrikultura no Peskas, iha kolaborasaun ho Governu Austrália nian, hala'o ona medidas nesesárias hotu-hotu hodi limita efeitou husi moras ne'e, ne'ebé mak seidak iha aimoruk, kura ka vasina. **Remata**



Palácio do Governo,
Avenida Presidente Nicolau Lobato,
Dili, Timor-Leste